

摘藻堂四庫全書薈要

史部

欽定四庫全書薈要

史部

十國春秋卷一百

十五至



詳校官員外郎臣楊世綸

欽定四庫全書薈要卷八千六百七十一

史部

十國春秋卷一百五

檢討吳任臣撰

北漢二

睿宗本紀

睿宗

名鈞初名承鈞世祖次子也以後唐天成元年丙

戌生幼而穎異性孝謹頗好學工書世祖旣晏駕承鈞

謂服喪以日易月非禮也始行三年喪禮奉表于遼自

稱曰男遼主述律

遼穆宗也

答之以詔呼為兒皇帝遣驃騎

大將軍知內侍省事劉承訓冊命承鈞為天子更名鈞

時年二十九也

晉陽見聞要錄九國志皆云承鈞立時年二十九

仍稱乾祐不

改元

乾祐八年春二月庚子朔日食庚申遣使如遼請加上  
天順皇帝尊號不許夏六月丁未蜀主遣使約出兵攻  
周許之

乾祐九年夏四月葬神武皇帝于交城北山上廟號六  
月甲子遣使于遼議軍事是冬服除改明年為天會元

年

九國志云承鈞立服喪三年至乾祐九年服除改十年為天會元年

天會元年春正月己丑朔大赦以子繼恩為太原尹翰

林學士衛融為中書侍郎同平章事內客省使段常一云

本作恒宗避諱也為樞密使侍衛都指揮使蔚進掌親軍潛結

江南西川為外援夏五月辛卯遣使貢方物于遼秋七

月初立七廟于高祖舊第號顯聖宮

七廟當是前漢高祖邦文祖湍德祖

昂翼祖僕顯祖瑄高祖曷世祖旻也未審是非又天福十二年祖廟中有缺光武皇帝亦在不祧今七廟數不

知與否冬十月癸亥麟州刺史楊崇訓舉城降周周以為

麟州防禦使十一月遼遣大同節度使侍中高勳將兵  
 會李存瓌擊周至潞州城下而還帝知契丹不足恃而  
 不敢遽絕贈勳甚厚十二月唐使者陳處堯自契丹來  
 遊太原十國紀年作唐兵部郎中段處常晉陽見聞錄云陳處堯如契丹乞兵因來遊今從其說帝  
 厚禮之留數日北還

天會二年春正月丙子周建雄節度使楊廷璋敗我兵  
 于隰州城下時周隰州刺史孫議暴卒廷璋檄都監閑  
 廐使李謙溥權知州事未幾我兵至攻城久不下廷璋

潛與謙溥約各募死士百人襲我營我兵驚潰遂解還  
夏六月壬子周昭義節度使李筠寇石會關遂拔六寨  
乙卯周李謙溥陷孝義冬十一月遣使如遼告周復來  
侵乙丑再遣使如遼十二月庚辰又遣使如遼是冬國  
中大雪國人唱曰生怕赤真人都來一夜春  
人以為宋受命之應  
天會二年夏四月戊戌遼以南京留守蕭思溫為兵部  
都總管擊周師是月周攻契丹拔益津瓦橋淤口三關  
遼主遣使來告急五月乙巳朔周師陷瀛莫二州帝諭

發兵撓周邊遣使日馳七百里會周主南歸乃止庚戌  
周李重進將兵出土門入寇己巳敗我兵于百井斬首  
二千餘級六月周李筠入寇陷遼州獲我刺史張丕辛  
己周楊廷璋侵邊降我堡寨十三是月周主殂梁王宗  
訓立冬十一月遼師謀會我兵攻周鎮定二州

天會四年春正月乙巳周禪位于宋宋改元建隆夏四  
月周昭義節度使李筠起兵拒宋遂殺澤州刺史據其  
城己而遣牙將劉繼冲

左編又作  
衙校劉忠

判官孫孚奉表稱臣



執其監軍周光遜閑廐使李廷玉送于我乞兵為援帝

欲謀于遼繼冲述筠意請無用契丹兵帝即率本國兵

自將出團柏谷羣臣餞于汾水僕射趙華獨言筠舉事

輕易未可為恃帝至于太平驛封筠西平王

一作隴西郡王筠

見帝儀衛不備非如王者心甚悔因自陳受郭氏恩不

敢愛死帝與周世讎亦不悅其說遂使宣徽使盧贇監

其軍筠心益不平與贇多不協乃留長子守節居潞而

自引衆南向帝聞贇與筠異遣平章事衛融和解之是

月遣河陽節度使范守圖將兵援筠夏五月乙亥朔日

有食之癸卯宋將石守信敗李筠于長平壬子以潞州

歸附遣使告遼丁巳宋帝親征筠丁卯宗石守信高懷

德大破筠兵盧贇死焉筠走保澤州宋帝列柵圍之六

月辛未澤州陷李筠赴火死衛融被執宋帝以鐵撾擊

融首不死釋之

後擢為  
太府卿

帝懼引師歸乙酉宋帝攻潞州

丁亥李守節以潞州降宋甲午宋將折德扆敗我兵于

沙谷砦

斬首五  
百級

是月宋兵圍石州帝遣使告遼遼詔阿

刺率四部來援復命蕭思溫以三部兵助之秋九月壬

寅宋昭義節度使李繼勳寇平遙縣俘獲甚衆十月乙

酉宋晉州兵馬鈐轄荆罕儒襲汾州死焉

石進二十九人坐不救死

天會五年冬十二月乙未李繼勳大敗我兵執遼州刺

史傅廷彥及其弟勳

是時帝結代北諸部侵麟州夏州李彝興遣李彝玉會諸鎮兵來禦

乃引

還

天會六年春二月我兵侵晉潞二州為宋守將所敗三

月宋詔我降人徙家于邢洺計口給粟夏四月宋命郭

進控西山武守琪戍晉州李謙溥守隰州以備我師是月太原民潛逃降宋者四百七十人秋七月捉生指揮使路貴等十一人降宋宋並補內殿直

天會七年春二月遣使如遼言我國欲巡邊徼乞張聲

援秋七月宿衛殿直行首王隱劉紹趙鸞

一作劉昭趙鸞

等謀

亂事覺伏誅辭連樞密使段常出常為汾州刺史尋縊殺之是月以宋師將侵邊告遼八月宋王全斌

宋史作邢州王

全入寇攻樂平拱衛指揮使王超散指揮使元威侯霸

榮率所部千八百人降之侍衛都指揮使蔚進馬軍都  
指揮使郝貴超與契丹悉兵往救三戰皆敗績樂平遂  
陷宋改樂平為平晉軍以降卒為效順軍賜以錢帛由  
是靜陽十八砦相率降宋九月我以契丹兵攻平晉軍

宋雒州防禦使克西山巡檢郭進將兵來擊契丹兵遂

引歸

是役也初有軍校自西山詣汴誣訟郭進不法事  
宋太祖送進令殺之會我兵侵平晉軍進語其人

曰汝敢論我信有膽氣今貫汝罪汝能掩殺敵兵即當  
薦汝如敗可自投河東其人踴躍赴戰遂敗我兵進即

奏聞以

冬十月丙申以宋侵告遼以抱腹山人郭無為  
還其職

同平章事帝自潞州之敗日懼宋師至既以趙弘為相  
又召無為叅議中書復以五臺山僧繼顥署鴻臚卿參

預國政已又以弘與無為議論不合乃出弘汾州而機  
務悉委無為掌之十二月帝遣從子侍衛親軍使劉繼

文如遼遼拘之不遣先是世祖凡舉事必稟命于遼歲  
使不絕及帝立禮文多畧遼主乃遺書來責擅改元援

李筠殺段常三罪

宋史云契丹主遣使責筠曰爾不稟  
我命其罪三擅改年號一也助李筠

有所覬覦二也  
殺段常三也

帝惶恐遣繼文謝曰父為子隱願赦之

自是契丹使不來而使往輒見留羣臣悉以使北為懼  
乙亥衛州刺史楊璘為宋折德辰所擒是歲宋改元乾  
德

天會八年春正月宋帝謀取我國宰相趙普諫曰太原  
當西北二面太原既下則二邊之患我獨當之不如俟  
削平諸邦太原彈丸黑子之地將何所避從之戊戌帝  
以宋將來襲馳告遼二月宋遣曹彬會李繼勳及兵馬  
鈐轄康延沼馬步軍都軍頭尹訓率兵入寇攻遼石二

州帝遣郝貴超往援戰于遼州城下我師大敗遼州刺

史杜延韜與拱衛都指揮使冀進兵馬都監侯美籍部

兵三千人舉城降宋

案宋太祖本紀杜延韜降在二月戊申朔

宋賜延韜等

襲衣銀帶器幣鞍勒馬命降卒以效順懷恩為名壬子

遼西南面招討使撻烈以六萬騎來援壬申我兵敗宋

兵于石州遣使告遼三月耀州團練使周審玉等四人

叛降宋

一作周玉今從宋史

宋賜審玉襲衣金帶絹千匹銀五百

兩鞍勒馬仍賜名承璿以為左千衛大將軍領汾州團



練使夏四月乙巳以擊退宋軍遣使謝遼宋遣馬軍都校劉光戍潞州以備我師是歲蜀主昶遣使齎帛書通好于我畧曰早歲曾奉尺書尋達睿聽丹素備陳于翰墨歡盟已保于金蘭洎傳弔伐之嘉音實動輔車之喜色至境上為宋疆吏所獲

天會九年春二月壬寅朔日當食不虧

天會十年春正月宋安國節度使羅彥瓌等敗我兵于靜陽執守將鹿英以歸夏六月甲辰月犯心前星秋七

月遣使貢遼金器鎧甲冬十月帝母皇太后缺氏殂庚辰遼遣使來賻弔十二月復取宋遼州戊辰遣使貢于遼

天會十一年春三月五星聚奎招收指揮使閻章以石盆砦詣宋鎮州降夏四月鴻唐砦招收指揮使樊暉殺監軍成昭叛降宋六月戊午朔日有食之

天會十二年春正月偏成砦招收指揮使任恩等百五十人詣宋晉州降三月宋鎮州守將破我馬鞍山砦秋

七月烏玉砦主胡遇等百三十九人詣宋鎮州降帝自  
李筠敗狼狽而歸又失遼之歡心勢力窘弱憂瘁得疾  
卧勤政閣名郭無為執手以後事畀之戊申遂殂

遼史作秋

七月辛丑漢主殂

年四十三養子繼恩立上謚曰孝和皇帝廟

號睿宗帝嗣位之後勤于為政愛民禮士故雖兵戈不  
息而境內粗安初宋太祖常因界上諜者謂帝曰君家  
與周世讎宜其不屈今我與爾無所間何謂困此一方  
民若有志于中國宜下太行以決勝負帝遣諜者復命

曰河東土地兵甲不足以當中國之十一然鈞非家世  
叛者區區守此蓋懼漢氏之不血食也太祖哀其言笑  
謂諜者曰為我語鈞開爾一路以為生故終其世不至

大舉加兵焉

諜者十國紀年  
作邢州人蓋留

### 少主本紀

少主繼恩本姓薛氏父釗晉初為護聖營卒娶世祖女  
生繼恩高祖典禁兵以釗從子婚也除其軍籍置之門  
下釗無才能但衣食之而無所用高祖後領方鎮爵位

通顯妻以世祖女視永寧公主故姊妹行也

高祖女封永寧公主

宋承渥尚公主

常貴倨居中釗罕得見釗怏怏一日乘醉求見

引佩刀刺之世祖女奮衣得脫傷而不死釗即自裁時

繼恩尚幼世祖以睿宗無嗣令養為子已而世祖女再

適何氏生繼元未幾何死世祖女亦歿睿宗復撫繼元

為子睿宗平日恒語郭無為繼恩殊非濟世才

繼恩事孝和盡

恭及為太原尹選軟不治

無為默然不對睿宗既殂繼恩告哀于契

丹後嗣皇帝位帝服縗裳視事寢處居勤政閣而孝和

帝故執事百司宿衛皆在太原府廨帝怨無為初不助已且惡其專政加守司空外示優禮而內實疎之時天會十二年七月也是月遼遣使來弔祭八月戊辰宋聞我國有喪以內客省使盧懷忠等二十二人將禁兵赴潞州昭義節度使李繼勳為行營前軍都部署侍衛步軍都指揮使党進副之宣徽使曹彬為都監棣州防禦使何繼筠為前鋒部署懷州防禦使康延沼為都監建雄節度使趙贊為汾州路部署絳州防禦使司超副之

隰州刺史李謙溥為都監帥兵大入九月庚子帝命劉

繼業馬峰等領軍扼團柏谷峰至銅鍋河

宋史作洞渦河今從宋紀

事本末李繼勳前鋒將何繼筠擊破我兵斬首三千級遂

奪汾河橋薄太原城下焚延夏門左勝軍使李瓊叛降

宋宗賜瓊襲衣金帶鞍勒馬帝大懼帝欲逐郭無為月

餘不能決帝時獨處一室行喪左右親信無得從者或

勸名之帝猶豫不決己酉供奉官侯霸榮率十餘人挺

刃入閣反扃其戶帝驚起繞屏走霸榮以刃搵其胸弑

之歐陽史云繼思置酒會諸大臣宗子飲罷卧閣中侯

霸榮率十餘人挺刃入閣閉戶而殺之今從宋史

無為使人梯屋入殺霸榮并其黨帝立裁六十餘日并

人疑無為授意于霸榮亟殺之以滅口而左右卒莫能

明也無為與羣臣議立帝之弟繼元平章中書事張昭

敏獨曰少主非劉氏故嗣位不終今宜立宗姓以慰民

望世祖嫡孫繼文久留契丹歷險危宜迎立之可以固

宗社結強援無為不從以繼元易制遂立之

李燾長編云繼思瞻

腹多髯長上短下乘馬即魁梧徒步即侏儒昏定晨省無違禮



英武帝本紀

英武帝繼元當天會初授檢校司徒歸義府都督已而加太保遷右金吾衛大將軍克大內都點檢少主時復進太師兼太原尹既襲位仍稱天會不改元復修好契丹于十二年十一月遣使告即位且乞師遼主兀律乃遣撻烈為兵馬總管將諸道兵救之宋亦詔諭我國令降約以平盧節度使授帝又別賜郭無為詔許以安國節度使無為得詔色動勸帝納欵帝不從初宋使諜者

惠璘詐稱殿前指揮使負罪來奔無為知其謀署為供

奉官至是宗師入境璘即奔赴至嵐谷為候吏所獲送

太原帝命無為鞫之釋不問會有李超者發璘奸狀上

聞無為怒并超斬之以滅口未幾宗李繼勳等聞契丹

兵來皆引去我兵因大掠晉絳二州是月帝疑孝和后

郭氏殺其故后段氏遂遣嬖臣弒后于喪次帝為人殘

忍而無禮宮中嬪御遭罹逼辱無復嫌間而世祖子十

人鎬錯等皆以幽囚死

天會十三年春二月宋帝將發自汴先遣李繼勳趙贊  
郭進司超等帥兵赴晉陽是役也宋帝問其臣魏仁浦  
曰朕欲親征太原何如仁浦對曰欲速則不達惟陛下  
重之宋帝不聽三月宋帝至于太原以我太谷令梁文  
陟為太子洗馬祁令張續為右贊善大夫及城下李繼  
勳已先敗我兵宋帝命築長連城圍之立砦于城四面  
繼勳軍于南趙贊軍于西曹彬軍于北党進軍于東帝  
命劉繼業等乘晦突門犯東西砦戰敗遁歸宋帝又命

壅汾晉二水以灌城并人大恐會城中有積草漂出塞  
之得無害郭無為復勸帝出降帝猶恃遼為援未之許  
也一日因宴羣臣無為痛哭于庭曰柰何以空城抗百  
萬之師乎引佩刀欲自刺冀動衆心帝遽降階執其手  
引升坐而止甲寅遣使乞封冊于遼且趣援師甲子遣  
使進白鹿于遼是月宋又遣海州刺史孫方進圍滄州  
守陴者聲言旦夕契丹兵至夏四月契丹兵分道入援  
宋何繼筠逆戰于陽曲北韓重贊一作重斌逆戰于定州契

丹兵大敗宋帝命以所獲首級鎧甲示太原城下憲州

判官史昭文

宋史作推官

嵐州刺史趙弘各以城降宋五月

遣李匡弼李元素等如遼賀天清節

按遼史有劉繼文然繼文尚留契丹

至十四年放回今不從

閏月遼主遣韓知璠

遼史作知範

冊立帝為大

漢皇帝知璠習兵事居圍城中晝夜督察盡心固守宋

驍將石漢卿等多戰死我兵亦屢敗一日我兵自西長

連城出將焚其攻戰之具反為宋師擊卻之斬首萬餘

級是夜謀者忽傳呼壁外帝降宋帝令衛士擐甲將開

壁門入作使趙璘曰受降如受敵詎可中夜輕出宋帝  
乃止契丹復遣南大王來援宋都指揮使李懷忠曰敵  
勢已困若選勁兵急攻破在旦夕殿前都虞候趙廷翰  
請先登以盡死力宋帝不許曰汝曹皆我所訓練無不  
以一當百所以備肘腋同休戚也我寧不得太原豈忍  
驅汝曹冒鋒刃蹈必死之地乎衆皆感泣時宋師頓兵  
甘草地中會暑雨軍士多疾太常博士李光贊請班師  
曰蕞爾晉陽豈須親討重勞飛輓取怨黔黎豈若回鑾

汴都屯兵上黨使夏取其麥秋取其禾既寬力役之征  
便是蕩平之策宋帝以問趙普普亦以為然乃分兵屯  
鎮潞遷太原民萬餘戶于山東河南遂引兵還帝命決  
城下水注之臺駘澤水已落而城多摧圮韓知璠歎曰  
宋師之引水浸城也知其一不知其二若先浸而後涸  
則并人無噍類矣帝又籍宋所棄軍儲得粟三十萬茶  
絹各數萬喪敗之餘賴此少濟是月郭無為伏誅初太  
原之圍南城為汾水所陷宋帝至長隄觀焉無為謀出

降因請自將夜擊宋師帝選精甲千人付無為自登延夏門送之無為行至北橋值風雨而止至是闔人衛德貴告其事且言無為獻地之謀蹤跡屢露罪不可赦乃有是處分

天會十四年春正月契丹歸我使臣十六人仍詔世祖孫繼文為平章事李匡弼為樞密使時韓知璠歸國言我國庶事多梗而無輔臣政事令趙高勲亦言晉陽為父子國盡拘其使無謂也遂有是命已而左右譖繼文



帝乃出繼文為代州刺史李匡弼為憲州刺史繼文隨  
遷鴈門節度使夏四月辛未朔日食冬十二月以僧繼  
顯為大師兼中書令庚午遣使貢于遼

天會十五年冬十月癸亥朔日有食之癸未遣使貢于  
遼十二月遼主子隆緒生

天會十六年春二月癸亥以遼主皇子生遣使往賀秋  
九月丁巳朔日食冬十二月乙卯大雨雪是歲大饑

天會十七年春正月遣使貢于遼夏六月遣使以宗事

告遼冬十二月帝殺其從兄

一作弟

大內都檢點繼欽戊

戌帝將改元遣使稟命于遼是歲僧繼顯卒追封定王  
廣運元年春正月改元二月庚辰朔日有食之是月遼  
命涿州刺史耶律昌米貽書于宋之雄州請通好宋命  
知州孫全興答書許之

廣運二年春二月癸亥遣鴈門節度使皇從兄繼文貢

遼方物三月遼與宋求成

遠遣克沙骨慎思以書如宋  
結成宋遣郝榮信呂端報聘

自是吉凶慶弔  
並遣使往還

遣使來告命我通好于宋無妄興師帝

聞命慟哭謀出兵攻契丹宣徽使馬峰固諫乃止夏六月遼主冊帝為大漢英武皇帝賜御衣玉帶鞍馬等物甲子彗星見東方長四丈秋七月辛未朔日食是時築隆州城于祁縣東三十里備宋師

廣運三年秋八月癸卯遣使于遼言天贊皇帝天清節我國設無遮會飯僧祝釐已酉以宋事告遼是月宋侍衛都指揮使党進宣徽北院使潘美及楊光美牛思進

米文義

一作宋文義

率兵分五道入寇又遣郭進郝崇信王

政忠闔彥進齊超孫晏宣安守忠齊延琛穆彥超

一作璋

等分寇忻代汾沁遼石等州

宋史云郭進入忻代路郝崇信王政忠入汾州路闔

彥進齊超入沁州路孫晏宣安守忠入遼州路齊延琛穆彥璋入石州路

諸將所至克捷敗

我兵于太原城北是時我謀者趙訓為宋青州將所擒

宋帝釋之給服裝放歸九月壬午帝乞援師于遼遼主

命南府宰相耶律沙冀王敵烈來援戊子復遣駙馬都

尉盧俊至遼告急是月我師遇党進于太原城北敗績

失其兵馬千餘郭進鹵我山北民三萬七千人冬十月

宋遼州監押馬繼恩入太原境燒燔四十餘砦鹵牛羊  
數千郭進陷壽陽鹵我民九千人穆彥超入太原境鹵  
我民二千人党進又敗我兵于太原城下是月宋帝崩  
晉王光義即位改元太平興國召諸將還辛丑以宋師  
退遣使謝遼十二月丁未以宋師復至鹵掠軍儲告遼  
且乞賜糧為助

廣運四年春三月癸亥耶律沙敵烈歸獻援師所獲宋  
俘戊辰遼主詔以粟三十萬來助

宋史新編云契丹主  
發粟二十萬斛助北

漢夏五月遣使謝遼且以宋事告秋七月壬申以宗人  
侵我告遼丙子遼遣使助戰馬八月貢遼葡萄酒冬十  
月乙酉復遣使以宋事告遼是歲胡桃砮指揮使史溫  
等叛附宋宋帝謂齊王廷美曰太原我必取之夏州定  
難節度使李<sub>缺</sub>睿來侵吳堡砮斬首七百級鹵牛羊千  
計執我砮主侯遇

廣運五年

廣運六年春正月宋始議興兵宋臣薛居正等多以為

不可

宋史云宰相薛居正曰昔周世宗舉兵太原倚契丹之援堅壁不戰以至師老而歸及太祖破契丹

于雁門關南盡驅其民分布河洛之間雖巢穴尚存而危已甚得之不足以闢土舍之不足以為患願熟慮之

太宗曰今者事同而勢異彼弱而我強昔先王破契丹徙其人而空其地者正為今日事也

曹彬曰

以國家兵甲精銳剪太原之孤壘如摧枯拉朽爾宋帝

意乃決

先是宋太祖方征河東白雲先生陳摯諫止之會軍已興及兵還果無功至是摯復來始云河

東可取

命潘美為北路都招討使帥崔彥進李漢瓊劉遇

曹翰米信田重進分道圍汾沁嵐諸州又以郭進為太

原石嶺關都部署以斷燕薊援師時夏州定難節度使

李繼筠亦遣將李光遠光憲統番漢兵渡河略太原境以張宋軍之勢乙酉遼遣撻馬長壽使宋問興師侵我之故宋帝曰河東逆命所當問罪若北朝不援和約如故不然則戰二月甲子宋帝自帥師來攻發汴京令齊王光美扈從丁卯帝以宋師壓境遣使乞援于遼戊寅宋帝次澶州有太僕寺丞宋捷者迎謁道左宋帝見其姓名喜曰吾其捷矣三月庚辰朔遼主遣南府宰相耶律沙為都統冀王敵烈為監軍來援又命南院大王斜



軫以所部從樞密副使耶律抹只督之丙戌遼主詔北  
院大王奚底乙室王撒合等以兵戍燕己丑帝復以蠟  
丸帛書告宋兵入境于遼遼命大將軍韓侂大同節度  
使耶律善補以本路兵南援丁酉耶律沙等與宋將郭  
進遇于白馬嶺時契丹兵阻大澗沙與諸將欲待後軍  
至而戰冀王敵烈監軍抹只等以為急擊之便沙不能  
奪敵烈等以先鋒渡澗未半為宋人所擊兵潰敵烈及  
其子蛙哥沙之子德里突呂不部節度使都敏

一作令  
穩都敏

黃皮室詳穩唐筈等五將俱沒士卒死傷甚衆會南院

大王斜軫兵至萬矢俱發敵軍始退

是時宋田祚欽護石嶺屯軍恣為姦

利郭進不能禁欽祚復數加凌侮進武人剛烈不能堪遂縊而死欽祚以卒中風眩聞宋太宗悼惜良久贈安國節度使尋詔以牛思進代之夏四月辛亥帝以行軍事宜奏遼駙馬

都尉盧俊自代州馳狀于遼告急宋帝發鎮州宋行營

都監折御卿分兵攻岢嵐軍遂陷嵐州癸亥宋解暉等

陷隆州庚午宋帝次太原駐汾東行營辛未至于太原

城潘美等屢敗我兵進築土城長圍四合矢石如雨晝

夜不息。宋帝督益急，城無完堞。我師外援弗至，餉道又絕。國人大懼。宋帝屢以手詔諭帝降。使者至城守陴者，輒不納。壬申，宋帝至城。西督諸將士薄城下，列陳于前。蹲甲交射，矢集城上如蝟毛。時宋捕我城中人告云：帝以十錢購一矢，凡聚百餘萬。宋帝笑曰：此為我畜也。五月庚辰，宣徽使范超叛降宋。為宋兵所殺。壬午，馬軍都指揮使郭萬超叛踰城降宋。自是親信之臣多亡。城中益危迫。宋帝移城南，復手詔諭帝曰：越王、吳王獻地歸。

朝或授以大藩或列于上將臣僚子弟皆享官封繼元

速降當保富貴城上有答白雲如人狀

九國志載宋築長堤壅汾灌城

考癸未前樞密使馬峰入見流涕歷數興亡之理是夜

帝乃遣客省使李勲奉表請降宋帝賜勲襲衣金帶銀

器錦綵銀鞍勒馬復遣通事舍人薛文寶齎詔答之夜

漏未盡宋帝至城北張樂宴從臣于城臺甲午遲明帝

率官屬縞衣紗帽待罪臺下宋帝釋之賜襲衣玉帶金

銀鞍勒馬三匹金器五百兩銀器五千兩錦綵二千段

文武官各賜衣金銀帶器幣鞍勒馬詔升臺帝叩頭言

臣聞車駕親征即願束身歸罪蓋亡命者懼死逼臣不

得降爾宋帝籍軍中亡投我者數百人選其巨室以從

軍法餘賜服及錢帛分隸諸將授帝檢校太師右衛上

將軍封彭城郡公宰相李暉等授官有差皇從兄繼文

駙馬都尉盧俊皆出奔于遼宋館帝于行宮所給賜甚

厚命中使康仁寶監之帝獻官伎百餘人于宋以賜將

校宋凡得州十軍一縣四十一

或作州十縣四十今  
從李燾續通鑑長編

戶

十三萬五千二百二十兵三萬命劉保勳知太原府改

太原為平晉縣宋帝因作平晉詩令從臣和焉

又命撰平北漢

碑文先是宋太宗將至晉陽語侍者我以端午日當置酒

高會于太原城中及帝降果五月五日也太原前臨臺

駘澤後倚懸壘山堅而難拔太宗隨命毀舊城以杜尾

大之患

陸游筆記曰太平興國四年平太原降為并州廢舊城徙州於榆次今太原則又非榆次乃三

交域也城在舊城西北三百里亦形勝之地本名故軍又常為唐明鎮有晉文公廟甚盛平太原後三年帥潘美奏乞為并州從之于是徙晉文公廟以廟之故址為州治又徙陽曲縣于三交而榆次復為縣又以

榆次縣為并州遣使分部徙太原民居之縱火焚太原  
廬舍老幼趨城門不及焚死者甚眾未幾令康仁寶護

劉氏親屬百餘人赴汴所過續食賜京城甲第一區歲  
時優賚有加太平興國六年太宗詔加彭城公開府儀

同三司雍熙三年建房州為保康軍以帝為節度使淳  
化中薨遺奏以六歲子三豬為託贈中書令追封彭城

郡王賄賂加等三豬賜名守節授西京作坊副使

東京  
事畧

作西京  
作坊使世祖自乾祐四年稱帝歷四主二十九年而亡

英武帝美風儀善談論頗通禪學居潜邸時常假僧繼  
顯紫檀如意每接僧則頂帽具三衣秉此揮譚名為握  
君踐阼後御下最刻臣下有忤意必族其家其被殺傷  
者自故相張昭敏以下不可勝紀及窮蹙始降宋太宗  
終保全之嘗謂近臣曰晉司馬昭以劉禪思蜀之對戲  
之云何乃似卻正之言此不仁之甚也亡國之君皆暗  
懦所至苟有遠識豈至滅亡此可愍傷何反戲侮乎劉  
繼元朕所鹵者待之若賓客猶恐不慰其意爾守節後



為崇儀使改右屯衛將軍天禧四年特遷右武衛將軍  
改右驍衛將軍

論曰歐陽五代史言孝和帝歿于天會十三年英武帝  
嗣位即改元廣運皆非也常稽定王劉繼顯碑文為右  
諫議大夫楊夢申所撰中云天會十二年今皇帝踐阼  
之初年也十七年繼顯卒末署廣運元年歲次甲戌九  
月丙午朔而李暉千佛樓碑銘亦署廣運二年歲次乙  
亥八月庚午朔夢申與暉本北漢臣此最可信者予故

得据之以編漢年云至兩主踰年皆不改元蓋當時漢  
隱帝周世宗孟蜀後主已行其事於北漢又何異焉

十國春秋卷一百五

欽定四庫全書薈要卷八千六百七十二

史部

十國春秋卷一百六

檢討吳任臣撰

北漢三

列傳

睿宗后郭氏 郭姬

英武帝后段氏

馬氏

睿宗后郭氏天會時常養英武帝兄弟為子會英武帝故后段氏以小過被譴既而遇它疾死帝疑后寘之死

也內頗不平及即位遣嬖臣范超圖弒后后方縗服哭  
孝和帝于柩前超執而縊殺之并滅劉氏子孫無遺類  
郭姬者故醫僧女僧與嫠婦通而生姬有殊色睿宗納  
之宮中嬖之將冊立為妃樞密使段常以姬所出非偶  
恐貽笑隣國遂中止姻族親戚又多阻抑不盡用姬時  
時望于執政常之獲罪人以為姬有力焉

英武帝后段氏素與孝和后不相協未幾以病薨英武  
帝嗣位追封為皇后繼后馬氏左僕射峰女也不知所

終

湘陰公贊

附鞏廷美楊溫

湘陰公贊世祖子也高祖愛之以為己子

路振九國志云劉崇之長

子曰贊少慧黠高祖憐之錄為己子

乾祐元年拜武寧軍節度使二年加

同平章事郭威既敗慕容彥超于北郊隱帝遇弒威入

京師謂諸大臣密相推戴及見宰相馮道等道殊無意

威不得已見道下拜而道猶受拜如平時徐勞之曰公

行良苦威意色皆沮以為大臣未有推己意又難於自

立因與王峻入白太后推擇漢嗣羣臣乃共奏曰武寧

節度使贊高祖愛以為子宜立為嗣乃遣太師馮道率

百官往迎

周太祖實錄云 缺 月己丑太祖奏遣前太師馮道往彼諭旨太祖將奉表于徐州未知所

遣樞密直學士王度請行許之宰臣百寮表秘書監趙上交齋詔同日首塗

道揣威意不在

贊直前問曰公此舉由衷乎威指天為誓道既行語左

右曰吾平生不作謬語人今謬語矣

五代史闕文曰按道廉智自將陽愚

遠禍恐不肯觸周祖未發之機其徒欲歸美而云耳

道見贊傳太后意名之贊行

至宋州威已自澶州為兵士擁還京師王峻慮贊左右

生變遣侍衛馬軍指揮使郭崇威以兵七百騎衛贊崇威至宋州贊登樓問崇威所以來之意崇威曰澶州軍變懼未察之遣崇威護衛非惡意也贊召崇威崇威不敢進馮道出與崇威語崇威乃登樓見贊時護聖指揮使張令超帥步兵為贊宿衛判官董喬說贊曰觀崇威視瞻舉措必有異謀道路皆言郭威已為天子而陛下深入不止禍其至哉請急召令超諭以禍福使夜以兵劫崇威所屬士卒明日掠睢陽金帛募士卒北走太原

彼新定京邑未暇追我此策之上也贊猶豫未決是夕  
崇威密誘令超歸郭氏盡奪贊部下兵郭威以書召道  
先歸留其副趙上交王度奉贊入朝太后道乃辭贊先  
還贊謂道曰寡人此來所恃者以公三十年舊相是以  
不疑道默狀贊客將賈貞等數目道欲圖之贊曰勿草  
草事豈出於公邪道已去崇威乃幽贊于外館殺賈貞  
董裔及牙內都虞候劉福孔目官夏昭度等郭威已監  
國太后乃下誥曰比者樞密使威志安宗社議立長君



以徐州節度使贊高祖近親立為漢嗣乃自藩鎮召赴  
京師雖誥命已行而軍情不附天道在北人心靡東適  
當改卜之初俾應分土之命贊可降授開府儀同三司  
檢校太師上柱國封湘陰公贊卒以殺死

按通鑑周廣  
順元年正月

戊寅殺湘陰公于宋  
州五代史曰幽死

初贊自徐州入也命右都押牙鞏

廷美

一作廷  
美非

元從教練使楊溫守徐州廷美溫聞贊不

得立乃奉贊妃董氏閉城拒命周太祖拜王彥超權武  
寧節度使下詔諭廷美溫許以刺史復貽湘陰公書曰

爰念斯人盡心于主足以賞其忠義何由責以悔尤公  
可達意更示委曲廷美溫不從乾祐四年三月彥超克  
徐州廷美溫皆見殺

論曰歐陽公言常見周招廷美等詔書四皆言廷美等  
曾已送款于周後懼罪而復叛然廷美等款狀卒不見  
則周詔亦不足据也當周漢革命之時中原已非劉氏  
有矣而廷美溫獨以區區孤城為贊堅守以死跡其始  
終亦何媿死節之士哉朱子作通鑑綱目書曰湘陰公

故將輩廷美等舉兵徐州其深得春秋之旨夫

世祖諸子鎬錡錫錯銑

世祖孫彭城郡王繼文

繼文繼欽

世祖子十人見于史籍者湘陰公孝和帝外曰鎬曰錡

曰錫

一作承錫

曰錯曰銑於英武帝皆為諸父鎬與錡錫視

諸昆弟最有賢行英武帝用羣小譖幽之別室未踰年

俱瘐死錯銑亦隨被殺獨銑以佯愚獲免錡或作饒一

曰錡與饒為二人云

繼文世祖嫡孫也為人魁梧有氣局沉毅寡言歷官侍衛親軍使天會時契丹來問罪輒拘繫行人數輩睿宗乃命繼文往賀因請命亦被留不發未幾遼主怒解盡歸使者十六人厚禮以遣而繼文與焉時英武帝嗣位三年也遼主仍移書令以繼文同平章事繼文歸秉國政左右害其寵多譖毀之已而出為代州刺史國亡復奔契丹封彭城郡王終於其國

繼欽世祖諸孫也累官大內都檢點初睿宗以英武帝

弟兄幼弱委繼欽掌禁衛事以為副及英武帝立親舊多所誅放繼欽謝病請罷英武帝曰繼欽但事先帝豈肯為我盡力邪黜居交城尋遣人殺之

論曰鎬錡錫銑賢足亢宗繼文繼欽才堪禦侮孝和舍昆從之羣英立異姓以為後卒至本支既撥邦國淪亡莒人滅郟實有以自取之矣

定王繼顥

劉繼業

劉繼忠

繼顥故燕王劉守光子也守光之死以孽子得不殺削

髮為浮圖後居五臺山為人多智數善商財利自世祖時頗已賴之睿宗嗣位用宗姓例拜鴻臚卿繼顯能講華嚴經手執香如意紫檀鏤成芬馨滿室四方爭為供施多積畜以佐國用五臺當契丹界上繼顯常得其馬以獻號添都馬歲率數百匹又遊華嚴見地有寶氣乃於團柏谷置銀冶募民鑿山取礦烹銀官收十之四國用多於此取給即其地建寶興軍英武帝立繼顯知後宮多內寵獻首飾數百副加都統進太師兼中書令天

會十七年卒追封定王劉繼業本姓楊氏太原人父信

事高祖為麟州刺史繼業弱冠事世祖以驍勇聞屢立

戰功國人號為楊無敵睿宗賜劉姓比于諸子累官建

雄軍節度使廣運時繼業扞太原城東南面殺傷宋師

無算及英武帝降宋繼業猶據城苦戰宋太宗素聞其

勇欲生致之諭英武帝令招繼業隨遣親信往為開陳

禍福繼業乃北面再拜大慟釋甲入汴京太宗撫慰良

久復其姓止名業授左領軍衛大將軍頃之拜代州刺

史敗契丹兵于雁門殺其將蕭咄李後數年與契丹耶律斜軫戰陳家谷敗死贈太尉子六人延朗延浦延訓

延瓌延貴延彬事具宋史

續通鑑又云繼業本名劉繼楊重貴世祖賜今姓名

忠少主之弟也亦睿宗養子賜姓劉氏睿宗疾革郭無為建議盡斥公族出繼忠守忻州繼忠自稱嘗使契丹得冷痼病定襄地寒願留養晉陽時少主監國責其觀望趣令就道繼忠頗有怨語或以白少主尋縊殺之

十國春秋卷一百六



欽定四庫全書蒼要卷八千六百七十三

史部

十國春秋卷一百七

檢討吳任臣撰

北漢四

列傳

李驥

鄭珙

趙華

李光美

李存瓌

張元徽

白從暉

李驥真定人起家河東幕僚慷慨善談兵饒技畧天福十二年高祖以世祖為太原尹擢驥少尹以佐之居無

何隱帝遇害侍中郭威遣馮道等迎湘陰公贇于徐州是時人皆知威非實意世祖心獨喜以為吾兒為帝夫何患驤因是陰說世祖曰知幾其神時不可失郭公舉兵犯順其勢不能為漢臣必不為劉氏立後公不如疾引兵逾太行據孟津俟徐州相公即位然後還鎮則郭公不敢動矣不然且為所賣世祖大罵曰驤腐儒欲離間我父子命左右牽出斬之驤呼曰吾負經濟才而為愚人畫計死誠宜矣然吾妻病不可獨存願與俱死即

并戮其妻已而威果自立為皇帝弑湘陰公于宗州世  
祖大哭曰吾不用忠臣之言至于此為驥立祠太原  
鄭珙青州人少有異才世祖行太原尹時辟珙留守判  
官乾祐初政在大臣樞密使郭威新討三叛立大功而  
與世祖有隙世祖頗不自安謂珙曰主上幼弱政由權  
門而吾與郭公不協如何珙曰漢政將亂矣晉陽兵雄  
天下地形險固十州征賦足以自給公為宗室老不以  
此時為計後必為人所制世祖曰子言正合吾意遂表

募兵四指揮以備契丹于是收豪傑籍民益兵與威隱若敵國然未幾即位于太原除珙中書侍郎與趙華並同平章事而遼世宗兀欲與世祖約為父子國世祖乃以珙為禮部侍郎奉使于遼自稱姪皇帝致書于叔天授皇帝請行冊禮兀欲性豪雋諸使臣至輒以酒肉困之珙既魁岸善飲兀欲益虐以酒灌注無有所避珙素有疾一夕強之飲腐脅而卒遂至輿尸復命

趙華滎陽人隱帝時為河東觀察判官世祖即位擢戶

部侍郎同平章事已又加僕射天會初李筠奉表稱臣  
乞師于睿宗睿宗自將出圍柏谷羣臣餞之汾水上華  
曰李筠舉事輕易陛下空國興師臣實憂之不聽已而  
監軍盧贇宰相衛融率先後不還睿宗謂華曰不聽公  
言幾至於敗然失融贇二人殊以為恨耳由此益重儒  
者

李光美河南人世祖自立于太原署光美客省使光美  
常為直省素諳前後典故至是庶事草創朝廷制度儀

注一出于光美之手網舉目張頗得大體時人比于晉  
王彪之唐裴冕云

李存瓌者唐莊宗之從弟

李克  
寧子

仕明宗為供奉官克瓌

故孟知祥甥也長興三年明宗遣存瓌入蜀宣慰知祥  
賜詔曰董璋狐狼自貽族滅卿丘園親戚皆保安全所  
宜成家世之美名守君臣之大節存瓌奉詔敦諭大得  
知祥心明宗稱其能己又仕晉授趙州刺史高祖時以  
世祖為北京留守署存瓌副留守而以少尹李驥馬步

指揮使蔚進佐之未幾改河東節度副使乾祐四年世  
祖即皇帝位除代州防禦使進都監世祖常顧存瓌言  
今日忝稱位號事非得已因命孝和帝攻晉州而以存  
瓌將步騎萬人副焉居數月通事舍人李訥如遼乞援  
兵世祖復以存瓌為招討使將兵由團柏伐周有功天  
會中累官武忠節度使同平章事與契丹將高勲攻上  
黨無所得而還後不知所終

張元徽武安人也世祖鎮太原元徽為裨將及即位改

馬步軍都指揮使已遷武寧節度使世祖嘗語元徽等

曰朕以高祖之業贊之寃義不為郭公屈爾期與公等

勉力以復家國之讐至于稱帝一方豈獲已也顧我是

何天子汝曹是何節度使邪未幾周太祖塲世祖大舉

伐周署元徽前鋒都指揮使同契丹兵自團柏趣潞州

與周將穆令均遇于太平驛陽不勝以誘之已而伏發

斬令均鹵獲無算久之世祖將兵陳巴公原元徽軍其

東楊衮軍其西元徽帥千騎擊周右軍周將樊愛能何



徽引兵先遁右軍潰解甲盡降世祖軍中呼萬歲是役也愛能徽控弦南走周世宗親犯矢石僅而得免元徽陷陳之力居多世祖親加褒賞獎勵有加復趣其乘勝進兵元徽素驍勇且屢勝氣益驕直前略陳馬倒為周兵所殺元徽為國之大將至是將士皆氣奪而兵遂不振

白從暉吐谷渾人周大同節度使承福遼雲州觀察使可久皆其宗姓也從暉少勇敢多謀略開運初仕晉為

冀州刺史敗契丹兵于衡水上始知名乾祐四年世祖自立為天子命孝和帝攻周晉州以從暉與李存瓌為副招討使竟無成功久之授義成節度使潞州之役從暉為行軍都部署與前鋒都指揮張元徽自團柏濟師已而高平大戰元徽既敗亡從暉無何亦病卒

論曰神武父子建號晉陽抗拒強敵文武襄贊蔚然雲蒸若驥之謀畫琪之奇偉華料事多中光美諳習朝儀存瓌之歷仕數朝雍容都雅皆彬彬一時選也而元徽

驍雄從暉果毅亦有名將材焉乃或殞軀于醉飽或輕敵以捐生惜哉至少尹忠言見違反罹誅戮無辜橫及自棄良臣河東之得以苟存者幸也

王得中

段常

衛融

盧贊

王得中上黨人世祖時官樞密直學士奉詔賀遼穆宗述律即位未幾還太原乾祐七年世祖與周師戰王延嗣使司天監李義白世祖云時可戰矣得中叩馬諫曰南風甚急非北軍利也豈助我者邪世祖怒曰老措大

無妄沮吾軍已而兵果失利世祖乃遣得中送遼將楊  
衮還因乞師遼穆宗命得中歸報許發兵救晉陽會代  
州將桑珪殺防禦使鄭處謙得中道經其地珪械得中  
送于周世宗賜以帶馬問契丹兵何時當至得中曰  
臣受命送楊衮他無所知或謂得中曰契丹許公發兵  
而公不以實告契丹兵旦暮至公得無危乎得中太息  
曰吾食劉氏祿有老母在圍中若以實告周人必發兵  
據險而拒之如此家國兩亡吾獨生何益不若殺身以

全家國所得多矣居數日契丹敗符彥卿于忻口周世宗責得中欺妄殺之

段常

或云常本為恒歐陽史避  
宗真宗諱作常後人因之

人事睿宗為內客

省使雅有幹才天會改元擢樞密使頗勤于其職七年

王隱等作亂辭連常出為汾州刺史已而睿宗用郭姬

言縊殺之是歲遼穆宗來詰責頗以常死為專殺之罪

其辭曰段常爾父故吏本無大惡一旦誣害誅及妻子婦言是聽非爾而誰我務敦大義曲容瑕垢爾宜率德

改行無自

貽伊戚也

衛融字明遠青州博興人晉天福初第進士調南樂主

簿歷齊澶二州從事忠武軍掌書記高祖時為太原觀

察支使世祖稱皇帝授翰林學士詣契丹謝冊禮且請

兵天會元年遷中書侍郎同平章事四年睿宗遣盧贇

監李筠軍贇與筠不相能詔融至潞州和解之會筠敗

融為宋人所擒宋太祖責之曰若何故勸劉鈞舉兵助

李筠反邪融曰犬吠非其主臣四十口受劉氏豐衣美

食不忍背之陛下縱不殺臣臣亦不為陛下用終當間

道走河東爾太祖怒命以鐵撾擊其首血流被面融大呼曰大丈夫死或重於泰山或輕於鴻毛臣今得死所矣太祖顧左右曰此忠臣也釋之以良藥傳其創賜襲衣金帶鞍勒名馬旣而欲放融回國移書于睿宗約以融易周光遜等光遜諸人者故李筠所俘以來獻者也睿宗久不報宋乃官融太府卿賜第汴京乾德改元郊祀融獻郊禋大禮賦改司農卿出知陳舒黃三州開寶六年卒年六十九子偁儔孫齊並進士及第

盧贇事睿宗積官至宣徽使周臣李筠之降睿宗使贇  
監其軍筠內頗不平謀事多與贇忤睿宗命衛融中解  
之而卒未能降心相從也無何宗將石守信大破筠軍  
贇遂以身殉左右莫不哀之

論曰得中乃心故主不以貪生賣國事節莫大焉融慷  
慨不撓視死如歸忠矣乃卒授職宋廷郊禋獻賦何哉  
若常與贇一則厲階長舌一則釁起援鄰不可謂非孝  
和實殺之也



蔚進

郝貴超

郝惟慶

張崇訓

鄭進衛儔

高仲曦

蔚進事睿宗為侍衛都指揮使掌親兵勇冠一軍天會中

與郝貴超將兵救樂平師敗而還

進與郭無為不協睿宗卧疾無為出進守代州

郝貴超失其家世事世祖睿宗為大將屢立戰功天會四年八月宋晉州鈐轄荆罕儒來侵汾州貴超適鎮汾地潛出師襲其營罕儒竟戰死罕儒于宋為驍將宋太祖痛惜之斬其部將不用命者二十餘人貴超後救樂

平援遼州皆無功久之死同時又有禁帥郝惟慶者疑  
貴超宗人也為人推魯無文不識物情時諸方物產未通  
賈客自閩粵來以橄欖子獻于世祖詰旦分頒大僚惟  
慶曰此果類吾鄉竹青棗食久方少得味官家何用賜  
臣所喜者金稜略綽盤耳聞者大噓

張崇訓鄭進衛儔皆睿宗宿將也累從征伐有大功英  
武帝時以譖言先後被殺

高仲曦

開

人也事英武帝為樞密使亦以中讒不良死

論曰善人國之紀也張鄭衛高後先殞命英武其天  
資刻薄人邪進與貴超効力孝和克保終始可不謂幸  
焉區區小邦淫刑以逞嗚呼難言之矣

張昭敏

馬峯

盧俊

張昭敏事睿宗積官至平章中書事為人慨直敢言不  
畏強禦少帝既遇害朝臣各議所立日中不決昭敏獨  
排衆言曰少主非宗姓故天位不永今當立劉氏以慰  
天下心繼文久留契丹為世祖皇帝嫡孫若迎立之外

可結隣國之援內可固宗社之本立主無有踰繼文者  
時郭無為憚繼文發其謀必欲立英武帝以示恩未幾  
昭敏見殺

馬峯太原人仕睿宗父子官宣徽使廣運初契丹傳令  
通好于宋無妄侵伐英武帝聞命慟哭謀出兵攻契丹  
峰切諫以為不可俄遷樞密副使左僕射致仕宋師圍  
太原甚急國人猶欲堅守峰適病居于家昇入見英武  
帝流涕以興亡諭之英武帝乃出降太原平宋太宗以

峰為將作監轉太府卿分司西京峰善服餌養生體強無疾性鄙吝頗好持論宋雍熙元年卒年八十餘

盧俊尙

缺

公主為駙馬都尉廣運三年宋師壓境俊

詣遼乞師有功白馬嶺之役遼相耶律沙將趨太原會俊以國亡出奔言太原已陷遂勒兵還俊至遼署同政

事門下平章事明年遼景宗以公主淑哥下嫁俊

淑哥景宗

第四女也復拜駙馬都尉久之與淑哥不協詔離之改適蕭

神奴遂出俊為興國軍節度使終于其國

論曰嗚呼力屈勢窮背城借一守國之大義也乃論者以峰勸降為知幾蓋亦權其勢不衡其義矣昭敏立君之說洞如觀火假其言或用未必非漢福也俊出亡鄰國不事仇讐倘猶合于孤臣行遯之旨乎

十國春秋卷一百七

欽定四庫全書蒼齋要卷八千六百七十四

史部

十國春秋卷一百八

檢討吳任臣撰

北漢五

列傳

郭忠恕

郭忠恕字恕先

宣和畫譜云  
恕字國寶

洛陽人幼敏慧七歲童子

及第富有文學尤工篆籀常有人於龍門得鳥跡篆示  
之忠恕一見輒誦有如宿習乾祐初湘陰公贊鎮徐州

辟為推官隱帝遇弒於北岡侍中郭威命宰相馮道迎

贊比至宋州威已為三軍所推戴忠恕知事變乃正色

責道曰令公累朝大臣誠信著於天下四方譚士無賢

不肖皆謂之長者今一旦反作脫空漢前功並棄令公

之心安乎道無以對忠恕因勸贊殺道以奔河東贊猶

豫不決遂及禍忠恕竄迹山野周初徵為周易博士歸

宋與監察御史符昭文爭忿於朝堂貶乾州司戶秩滿

去官遂不復仕宦縱放岐雍陝洛間逢人無貴賤輒口



稱猫值佳山水即旬日不去或絕粒不食盛夏恭體日  
中不沾汗大寒鑿冰而浴旁冰漸釋尤善畫工於屋木  
王公有設紈素求圖寫者必拂衣而起一日衢中下馬  
名役夫入茗坊同啜役夫固辭忠恕曰吾常所接公卿  
士大夫皆子類也何怪哉太宗素習其名特召歸闕入  
館于內侍省竇神興舍忠恕長髯而美忽心畫雉之神興  
驚問其故忠恕曰聊以效顰耳神興大怒白太宗以其  
少檢除國子監主簿出館於太學益縱酒肆言時政頗

有謗讟語上聞決杖配流登州至齊州臨邑謂部送吏  
曰我逝矣因培地為穴度可容面俯窺焉而卒藁葬於  
官道之側後數月故人發其尸改葬惟衣衾存焉識者  
曰此尸解也有佩觿集三卷行世

論曰忠恕以大節責道義形於色辭氣激昂可不謂忠  
于所事哉卒之展轉遯荒浮沉周宋託志神僊佯狂侮  
世用心亦良苦矣諸書載忠恕在徐州日與同府記室  
董喬不合遂謝去非實錄也予錄其大槩蓋得之五代

史補云

趙弘

李惲

楊夢申

王保衡

王景絕

趙弘薊州漁陽人父玉常客滄州依節度判官呂充劉  
守光破滄州收充親屬盡戮之充子琦年十四玉負之  
以逃至太原變姓名丐衣食以給琦琦後唐同光初為  
藩郡從事當是時燕趙義士以玉能存呂氏之孤翕然  
稱之明宗時琦官職方員外郎知雜清泰中琦為給事

中端明殿學士玉已卒矣弘入洛舉進士琦薦于主司  
馬裔孫擢甲科歷徐充陳許四鎮從事高祖時為河東  
掌書記弘給捷善戲謔世祖雅愛之及稱帝累官至翰  
林承旨兵部尚書天會四年授中書侍郎同平章事轉  
門下侍郎兼樞密使加司徒居頃之郭無為與相左出  
知汾州已又徙嵐州宋太祖來侵晉陽遣偏師略地嵐  
州圍之數重弘危蹙請降待罪行營太祖命釋之賜襲  
衣玉帶金鞍勒馬器幣甚厚其官屬賜物有差以弘名

犯宣祖偏諱賜名文度師還授檢校太傅安國軍節度使歲餘改華州不宣制而告勅同宣制之例再調耀州凡歷三鎮宋開寶七年卒年六十有七即英武帝之廣運元年也弘善為詩人多諷誦有觀光集若干卷又雅善音律常與同州節度使宋缺會飲命樂官吹採蓮送盞皆它工所不知已又索笛自吹聲調清越聽者驚服弘之降也其母在太原世以不能死節罪之子昌圖仕宋至內殿崇班閣門祇候

李暉字孟深汴州陽武人乾祐初第進士客遊嵐州會  
世祖即位署州從事擢知制誥翰林學士歷仕睿宗父  
子累官至推誠佐命保祚功臣特進守尚書左僕射兼  
中書侍郎平章事上柱國隴西郡開國公食邑三千戶  
時母在鄉里暉不知存亡居常戚戚以爽基沈飲為務  
政事多廢英武帝頗以為言暉殊不介意後方與僧爽  
帝命近侍直抵暉前取局焚之暉恬然徐詣謝英武帝  
因切責之明日別造新局爽基如故宋太宗陷太原暉

降命為殿中監始知母亡表求追服母喪不許出知廣

州遷司農卿連知許孟二州以足疾求解授忠武軍行

軍司馬端拱元年卒年七十有三憚性踈達善談名理

年少時好滑稽及為相頗事持重初與王溥李昉同年

登第國亡相見叙舊情好益固論者美之子存誠仕宋

駕部員外郎存信宋左侍禁閣門祇候又憚文詞駢麗

見推流輩英武帝時天龍寺千佛樓成詔憚撰碑銘而

命翰林令劉守清王廷譽勒文于石一時無不嘆絕

其辭

曰帝宅之西五里而遠羣山邃谷延闕縈擁北自乾坎

南距申酉蒼崖峭壁石靈泉薜蘿蔭乳竇以夏寒藜

桂嚮晴暘而冬綠澗溜清泚自激輕音蔓草芄茸本無

毒螫洞穴窈窕烟闕閑虧隔雲間雞犬之聲度嶺闕樵

蘇之徑大哉氣通斗極崆峒帶多武之鄉地劃參墟闕

野樂深思之俗况乎刑政之經不紊霸王之器具存紀

都邑即天下之浩穰養士馬即域中之精勇往者北齊

啟國後魏興闕雖未臻偃仰之闕咸闕之位時

或倦重城之宴闕選面勝之良游各營避暑之宮用憇

鳴鑿之駕亦猶秦之阿房晉之鹿祁楚之章華漢之未

央土基摧搆往往存焉年厯寔遙率多改作蓋以翼翼

都會豪右富民因舊圖新增制惟錯於是乎金人塔廟

老氏宮觀星布于巖石矣懿哉坤維之上一舍之區羣

木陰翳奇峯峭闕土有平址東西僅五十步北倚石壁

有彌勒閣內設石像侍立對峙容闕溫闕其鑄磨闕

代不能及昔睿宗皇帝再加添飾功用宛然次東有池



水甚潔開

凝碧開

之恐聳國人儼其

開

宇偶其神位

每角亢方中雷雨未施即雩禱咸萃矣馴嶺西下開

約三百步有高寺榜曰天龍故易義云夫龍者潛即勿用飛即在上天龍之名固其宜矣今英武皇帝應千齡之運居九重之尊此自舞象執經齒胄學優於庠序開

動叶咨詢行符典則負

對日之辨似不能言開

稱象之智果而勿伐肅肅然煌

煌然偉量知幾深不可測立德在間平之右承家繼文

武之基自非道濟艱危孝安宗社孰能與於此乎天會

中睿宗皇帝以道開

開

出閣授檢校司

徒歸義府都督時年尚幼冲躬親官次寡辭敏德務簡刑清吏不敢欺府無留事嘗以公退休暇與叔季諸王

方駕接軫禮謁精藍一歲之中開

東序開

觀音像一堂其內幡花髮蓋供飭之用靡

不嚴潔於茲日新每具齋禱罔不乾乾惕惕潛發明誠所志者延鴻祚于邦家弭戡氛於區宇因心愛敬不忘

斯須闕

甚嘉羣倫歸美攸是闕

公府特恩加檢校

太保授右金吾衛大將軍克大內都點檢貞幹服勤中

外嚴整宣威敬事動叶聖謨及帝踐阼加太師行太原

尹階勲爵邑悉稱公台尋領侍衛親軍事未幾值倉卒

之變震駭非常上獨執雄斷入平內難時戊辰秋九月

嗣昇宸極立定傾危赫然大闕祐終古自闕潔念恒

切皈依每屆良辰必親行幸至壬申歲十二月二十二

日詔有司於大殿後正面造重樓五間洵遣良冶鑄賢

劫自拘留孫如來以降鐵佛千尊闕範金容光相圓明

等無差別如是勻分龕室各安上級時詔宣徽北院使

永清軍節度使檢校太保范超自始監修應期成就基

砌柱礎廣檻飛甍丹采相闕巍乎窓扉下瞰于雲

端棟宇勃興于地表金爐曉炷惟聞葡萄之香玉磬晨

鳴不假蓮花之漏議者曰樹超世之果圖不朽之功必

依惟睿之謀宜享終天之祿豈比夫望祭闕

禱之功駕騁瑤池徒縱盤游之樂者哉上御宇之八年

乙亥歲天贊皇帝義敦天性禮叶彛章洎春來夏初累  
飛詔示必以備物典冊將加徽號鴻名闕君親之思

敬修迎受之禮至夏六月闕十日果降貴近昭宣闕容

尋于正殿受英武皇帝兼頌龍衣御帶駟馬珣鞍別賜

神旗鼓吹殊闕異闕衆心悅隨羣后稱慶寶函金簡揚

命舜命禹之書馭朽持盈盡為子為臣之敬禮之大者

帝載無窮先是英武皇帝以今歲攝提建月闕

昇寒氣將退嚴整儀衛親率公卿駕蒼虬之駃駃

衣赭袍之熠熠雲韶寅導闕

屆初禪之境臣幸陪天仗親奉德音既成闕

之祐遽茲承詔俾誌勝緣將紀洪猷潛思秘

祝所冀龍華會上闕之闕星宿劫中徧覩青蓮

之相歡心有待謹作銘云覺皇遙興大教垂世成位有

期壞空相繼大哉賢劫千佛重光六度萬行軌躅相望

浩劫迢遙一念可攝勿謂難逢聲塵相接惟彼陶唐土

列參墟莓莓沃野煌煌帝居天啟亨會神輸瑞圖英武

之難後來其蘇一人有作撫寧邦域治民事天允  
崖庶績金像玉樓伊帝之力闕

永奠皇極

楊夢申

缺

人天會時累官右諫議大夫夢申能文章

尤長于碑記十七年奉勅撰定王繼顯神道碑文文不  
加點典而有則朝士多稱賞之

王保衡仕英武帝為中書舍人直翰林院保衡博學有  
文名所著晉陽見聞要錄若干卷行世

王景絕太原人少客燕地感家世儒者不當用材武進  
乃南遊嵩洛得譚用之為友以文章相砥礪寢以文稱

天會中還家至境上會睿宗據太原歎曰天下將定以  
區區一方拒天下兵此危國也遂止上黨潞州帥延致  
莫府景絕自是不復作吏時時購四方書鈔之晚年集  
書數千卷國亡入宋端拱中終于汴京

郭無為

侯霸榮

范超

郭無為字無不為青州千乘人也

一云棣州人

方頽烏喙好

學多聞善談辨常衣褐為道士居武當山乾祐初郭威  
討李守貞河中無為詣軍門上謁詢以當世之務大奇

之將留館門下或謂威曰公為大臣握重兵居外而延縱橫之士非所以防微慮遠也由是不納遂拂衣去隱太原抱腹山睿宗即位內樞密使段常薦其才名為諫議大夫尋遷吏部侍郎參議中書事與趙弘同秉政意好不協及弘出知汾州而常復以獲罪死遂以無為為左僕射同平章事兼樞密使機務一以委之睿宗常臥病與無為語及皇子繼恩謂繼恩純孝然非濟世才恐不能了家事無為默然不對及少主繼恩立怨無為不

助已欲逐之而未果月餘侯霸榮入閣弒少主無為復遣人登屋入殺霸榮故霸榮之亂人皆謂實受意于無為隨殺之以滅口也英武帝嗣立宋太祖遣李繼勳等濟師仍賜詔無為許以安國軍節度使無為捧詔色動從吏納欵而國人及諸臣皆欲堅守以拒宋未幾宋太祖身在行間督兵攻晉陽長圍既合會英武帝曲宴羣臣契丹使亦在焉無為仰天慟哭拔佩刀欲自裁為左右所持英武帝自下執其手延之上坐無為曰柰何以

孤城抗百萬之師蓋欲搖動并人而并人守意益堅已而無為計無所出遂密通于宋請將兵夜襲圍自拔值天陰雨而止後宦者衛德貴發其事英武帝遣人縊殺之以謝國人

侯霸榮邢州龍岡人多力善射走及奔馬常為盜并汾間睿宗用為指揮使戍樂平天會初率所部降宋宋太祖補霸榮內殿直未幾復來奔睿宗赦其罪又署為供奉官少主既嗣位霸榮謀持少主首獻宋遂乘其無備



白晝挺刃而入反扃其戶少主繞屏走霸榮以刃搯胸  
弑之或曰郭無為實使之也無為隨遣卒登梯入殺霸  
榮

范超失其世系天會中奉內旨圖弑孝和后為英武帝  
所嬖累遷宣徽北院使永清軍節度使檢校太保十六  
年監修千佛樓鑄象範容帝復稱其能廣運時宋師圍  
太原超破圍請降攻城者誤以超為出戰禽而戮之英  
武帝遂斬超妻子投其首城外

李筠

李筠太原人善騎射初隸後唐秦王從榮麾下從榮難作筠騎從至天津橋射殺十數人已而棄馬遁去清泰初應募為內殿直遷控鶴指揮使開運末契丹滅晉其將趙延壽聞筠勇悍召寘帳下及延壽被執契丹將耶律解里者尚統二千騎留鎮州筠與諸將謀伺間擊之控鶴左廂都校白再榮持兩端匿室中不時應筠拔佩刀破幕引臂逼再榮行殺傷相當解里遂弃城去高祖

立于晉陽再榮以鎮州送款授再榮留後而以筠為博  
州刺史郭威鎮大名表筠先鋒指揮使又為北面緣邊  
巡檢洎起兵入汴筠與郭崇威從戰敗慕容彥超于留  
子陂有功威革漢祚是為周太祖太祖論開國功遷筠  
昭義軍節度使檢校太傅同平章事居數年周累與世  
祖構兵筠以奇兵擊敗契丹之援晉陽者加兼侍中周  
恭帝立進太尉宋太祖受禪遣使加兼中書令諭以入  
朝筠即欲拒命左右為陳歷數推遷之理不得已下拜

及延使者升階置酒張樂遽索周太祖畫象懸壁涕泣  
迸至賓佐殊惶駭告宋使曰令公被酒失其常性幸勿  
為訝未幾遣牙將劉繼冲等稱臣于睿宗睿宗以蠟書  
約與伐宋筠雖外陽附宋而內實欲得甘心以報周也  
是時筠子守節為宋皇城使泣諫不聽宋太祖又遣之  
諭旨曰歸語汝父我未為天子時任自為之既為天子  
獨不能臣我邪筠謀愈益急遂起兵從事問丘仲卿獻  
策曰大梁兵甲精銳難與爭鋒我孤軍舉事其勢甚危

倚援河東終未得力不如西下太行直抵懷孟塞虎牢

據洛邑東向爭天下計之上也筠曰吾周朝宿將與世

宗義同昆弟禁衛皆舊人必倒戈歸我况有儋珪槍撥

汗馬何憂天下哉儋珪筠愛將有勇力善用槍撥汗筠

駿馬日馳七百里故筠誇焉頃之使人殺澤州刺史張

福據其城睿宗乃率兵來援筠以臣禮上謁于太平驛

時睿宗兵衛寡弱筠內甚悔而事已不可中止睿宗乃

封筠西平王名與語筠自陳受郭氏大恩敢愛死不寤

周與漢為世讐也睿宗默然由是心疑之命宣徽使盧  
贇監其軍筠益怏怏不自得留子守節守上黨而自引  
衆南向宋太祖遣石守信等討之敕曰勿縱筠下太行  
急進師扼其隘破之必矣太祖遂親征山路多石不可  
行太祖先于馬上負數石羣臣六軍皆負之即日平為  
大道與守信等會破筠衆于澤州南殺監軍贇筠走還  
保澤州太祖親督戰拔其城筠赴火死隨進兵潞州守  
節降釋罪賜襲衣金帶銀鞍勒馬是日宋太祖宴從官

守節與焉隨除單州團練使時天會四年六月也筠初

名榮避周世宗諱改之

宗史云筠稍知書頗好調諳改名時或令名筠筠曰李筠李筠

玉帛云

性雖暴事母甚孝每怒將殺人母屏風後呼筠

筠趨至母曰聞將殺人可免乎為吾曹增福爾遽舍之

筠有愛妾劉氏欲俱死筠以其有娠麾令去

左編云劉氏隨筠至

澤時被攻城危劉謂筠曰城中健馬幾何筠曰爾安問此劉曰孤城危蹙破在俄頃今誠得馬數百與腹心潰圍出保昭義求援河東猶愈於坐待死也筠然之召左右計馬尚不減千匹以是夕將出或謂筠曰今帳前計議皆云一心縣門既發不可保矣倘劫公而降悔其何及筠猶豫不決明日城陷筠將赴火劉欲俱死筠以其

有娠魔去之守節  
購得果生子焉

論曰筠故周臣繫以漢傳者何益太平驛之役筠業以  
臣禮事孝和雖情懷缺望而俛首委質未可謂非劉氏  
臣也况捐軀舊主矢志靡它固人人樂得之為臣者乎  
夫然而繫之漢傳誰云不宜

十國春秋卷一百八



欽定四庫全書薈要卷八千六百七十五

史部

十國春秋卷一百九

檢討吳任臣撰

十國紀元表

十國稱帝者七改元者八而楚荆南則行中朝年號  
然吳越惟武肅三改元文穆以下無聞焉若荆南文  
獻王楚恭孝王亦間奉吳與南唐正朔而吳越閩兩  
國又遵契丹會同之號者一年彼此參錯易於傳譌  
今斷始於梁開平丁卯終於宋太平興國己卯凡七

十三年中間各國紀年頗有可考余得而備列之作  
十國紀元表

吳  
蜀  
南漢  
楚  
吳越  
閩  
荆南  
北漢

丁卯

梁太祖

烈祖

開平元年  
天祐四年

前蜀高祖  
烈宗

天復七年  
開平元年

武穆王

開平元年

武肅王

天祐四年  
四月後用

太祖

開平九年

開平年號

戊辰

開平二年

天祐五年  
是歲高祖立

武成元年

開平二年

開平二年

天寶元年

開平二年

己巳

開平三年

天祐六年

武成二年

開平三年

開平三年

天寶二年

開平三年

庚午

開平四年 天祐七年 武成三年 開平四年 開平四年 天寶三年 開平四年

辛未

乾化元年 天祐八年 永平元年 乾化元年 天寶四年 乾化元年

乾化元年  
三月高祖  
權知留後

壬申

乾化二年 天祐九年 永平二年 乾化二年 乾化二年 天寶五年 乾化二年

癸酉

乾化三年  
末帝二月  
即位 天祐十年 永平三年 乾化三年 乾化三年 天寶六年 乾化三年 乾化三年 武信王

甲戌

乾化四年 天祐十一年 永平四年 乾化四年 乾化四年 天寶七年 乾化四年 乾化四年

乙亥

貞明元年 天祐十二年 永平五年 貞明元年 貞明元年 天寶八年 貞明元年 貞明元年

丙子

貞明二年

天祐十三年

通正元年

貞明二年

貞明二年

天寶九年

貞明二年

貞明二年

丁丑

貞明三年

天祐十四年

天漢元年

是歲八月高祖即位改元

貞明三年

天寶十年

貞明三年

貞明三年

戊寅

貞明四年

天祐十五年

光天元年

後主六月即位

貞明四年

天寶十一年

貞明四年

貞明四年

己卯

貞明五年

國王位改元

乾德元年

乾亨三年

貞明五年

天寶十二年

貞明五年

貞明五年

庚辰

貞明六年

睿帝六月即位

乾德二年

乾亨四年

貞明六年

天寶十三年

貞明六年

貞明六年

辛巳

龍德元年

順義元年

乾德三年

乾亨五年

龍德元年

天寶十四年

龍德元年

龍德元年

壬午

龍德二年 順義二年 乾德四年 乾亨六年 龍德二年

天寶十五年

龍德二年 龍德二年

癸未

龍德三年  
唐莊宗同順義三年 乾德五年 乾亨七年

光元年

龍德三年 天寶十六年

龍德三年 龍德三年 同光元年 同光元年

甲申

同光二年 順義四年 乾德六年 乾亨八年 同光二年 寶大元年 同光二年 同光二年

乙酉

同光三年 順義五年

咸康元年  
是歲國亡

乾亨九年  
十二月改

同光三年 寶大二年

同光三年  
是歲十二月 嗣王延 翰立

同光三年

丙戌

同光四年  
明宗天成順義六年

後蜀高祖  
天成元年

白龍二年

同光四年  
寶正元年

同光四年 同光四年  
天成元年 天成元年

丁亥

天成二年 位改  
是歲即帝

乾貞元年

天成二年 白龍三年 天成二年 寶正二年

天成二年  
是歲十二月 天惠宗立

戊子

天成三年乾貞二年天成三年大有元年天成三年寶正三年天成三年

己丑

天成四年太和元年天成四年大有二年天成四年寶正四年天成四年太和元年

文獻王

庚寅

長興元年太和二年長興元年大有三年衡陽王十寶正五年長興元年長興元年

長興元年

一月襲位

辛卯

長興二年太和三年長興二年大有四年長興二年寶正六年長興二年長興二年

壬辰

長興三年太和四年長興三年大有五年文昭王八文穆王四長興三年長興三年

長興三年長興三年

月襲位 月嗣位

癸巳

長興四年  
愍帝十二年太和五年長興四年大有六年長興四年長興四年

龍啟元年

是歲正月

長興四年

月即位

位

惠宗即位

甲午

應順元年  
廢帝四月  
立政清泰元年

太和六年

是歲閏正  
月即帝位  
明德元年後  
主七月嗣位

大有七年

應順元年  
應順元年  
六月稱清龍啟二年  
清泰元年  
泰元年

應順元年

應順元年  
清泰元年

乙未

清泰二年天祚元年

明德二年

大有八年清泰二年清泰二年

永和元年  
康宗十月清泰二年  
嗣位

清泰二年

丙申

晉高祖天祚二年  
天福元年明年十月  
國亡

明德三年

大有九年

清泰三年  
十二月稱通文元年  
天福元年

清泰三年

丁酉

天福二年南唐  
烈祖昇元元年

明德四年大有十年天福二年天福二年通文二年天福二年

戊戌

天福三年昇元二年廣政元年大有十一年天福三年天福三年通文三年天福三年

己亥

天福四年昇元三年廣政二年大有十三年天福四年天福四年

通文四年  
景宗六月天福四年  
立政永隆元年

庚子

天福五年昇元四年廣政三年大有十三年天福五年天福五年永隆二年天福五年

辛丑

天福六年昇元五年廣政四年大有十四年天福六年忠獻王八永隆三年天福六年

天福六年

月嗣立

壬寅

天福七年  
即位  
出帝六月昇元六年廣政五年  
年攝帝三月  
月嗣位改  
光天元年  
天福七年天福七年永隆四年天福七年

大有十五

昇元七年

光大二年三月

永隆五年是

癸卯

天福八年  
元宗三月  
嗣位改保  
屬政六年  
中宗立改應  
乾元年十月  
天福八年天福八年  
歲富沙王以  
建州稱帝國  
天福八年  
魏毀改元大德

大元年

改乾和元年

魏毀改元大德

甲辰

開運元年保大二年廣政七年乾和二年開運元年開運元年  
永隆六年  
天德二年  
開運元年

乙巳

開運二年保大三年廣政八年乾和三年開運二年開運二年天德三年開運二年

是歲王法滅



丙午

開運三年保大四年廣政九年乾和四年開運三年開運三年

開運三年

丁未

開運四年  
漢高祖天保大五年廣政十年乾和五年  
福十二年

天福十二開運四年六月  
忠遜王立又稱  
嗣王希廣會同十年忠遜  
二月立 王十月嗣立

天福三年

戊申

乾祐元年  
即位  
隱帝二月保大六年廣政十年乾和六年乾祐元年乾祐元年

乾祐元年  
貞懿王十  
二月繼立

己酉

乾祐二年保大七年廣政十三年乾和七年乾祐二年乾祐二年保大七年乾祐二年

留從効

庚戌

乾祐三年保大八年廣政十三年乾和八年乾祐三年乾祐三年保大八年乾祐三年

辛亥

周太祖  
廣順元年 保大九年

廣政十四年

乾和九年 九年是歲  
恭孝王遼金  
陵馬氏絕

廣順元年保大九年廣順元年

世祖  
乾祐四年

壬子

廣順二年保大十年  
廣政十五年  
乾和十年  
劉言  
廣順二年  
廣順二年保大十年廣順二年乾祐五年

癸丑

廣順三年保大十年  
廣政十六年  
乾和十年  
廣順三年  
王達立  
廣順三年保大十年廣順三年乾祐六年

甲寅

顯德元年  
世宗正月保大十二年  
廣政十七年  
乾和十二年  
顯德元年  
顯德元年  
保大十二年  
顯德元年  
乾祐七年  
即位

乙卯

顯德二年  
保大十三年  
廣政十八年  
乾和十三年  
顯德二年  
顯德二年  
保大十三年  
顯德二年  
乾祐八年

丙辰

顯德三年  
保大十四年  
廣政十九年  
乾和十四年  
是歲周行  
達立  
顯德三年  
顯德三年  
保大十四年  
顯德三年  
乾祐九年

丁巳

顯德四年  
保大十五年  
廣政二十年  
乾和十五年  
顯德四年  
顯德四年  
保大十五年  
顯德四年  
天會元年

戊午

顯德五年

中興元年三  
月改交泰  
九年五月稱  
顯德五年

廣政二十  
一年

乾和十六  
年後主八  
月即位改  
大寶九年

顯德五年

中興元年  
交泰元年  
顯德五年

天會二年

己未

顯德六年  
恭帝六月  
即位

顯德六年  
一云聘獻用  
中國年號本  
國仍稱交泰

廣政二十  
二年

大寶二年

顯德六年

顯德六年

顯德六年  
天會三年

庚申

宋太祖  
建隆元年

建隆元年

廣政二十  
三年

大寶三年

建隆元年

建隆元年

建隆元年  
是歲太尉  
保勛權知  
軍府事

天會四年

辛酉

建隆二年

建隆二年  
後主六月  
嗣立

廣政二十  
四年

大寶四年

建隆二年

建隆二年

建隆二年  
天會五年

壬戌

建隆三年

建隆三年

廣政二十  
五年

大寶五年

建隆三年  
是歲行逢  
子保權立

建隆三年

建隆三年  
是歲侍中  
繼冲權知  
軍府事

天會六年

癸亥

建隆四年  
十一月改  
乾德元年

乾德元年

廣政二十  
六年

大寶六年

建隆四年  
三月周氏  
亡

乾德元年

陳洪進  
乾德元年

建隆四年  
五月國亡

天會七年

甲子

乾德二年 乾德二年

廣政二十七年

大寶七年

乾德二年 乾德二年

天會八年

乙丑

乾德三年 乾德三年

是歲正月國亡

大寶八年

乾德三年 乾德三年

天會九年

丙寅

乾德四年 乾德四年

大寶九年

乾德四年 乾德四年

天會十年

丁卯

乾德五年 乾德五年

大寶十年

乾德五年 乾德五年

天會十一年

戊辰

乾德六年十一月改開寶元年  
開寶元年

大寶十一年

開寶元年 開寶元年

天會十二年少帝七月嗣位九月遷祚  
英武帝立

己巳

開寶二年 開寶二年

大寶十二年

開寶二年 開寶二年

天會十三年

庚午

開寶三年開寶三年

大寶十三年

開寶三年開寶三年

天會四年

辛未

開寶四年開寶四年

大寶十四年  
是歲春國亡

開寶四年開寶四年

天會五年

壬申

開寶五年開寶五年

開寶五年開寶五年

天會六年

癸酉

開寶六年開寶六年

開寶六年開寶六年

天會七年

甲戌

開寶七年甲戌歲

開寶七年開寶七年

廣運元年

乙亥

開寶八年

乙亥歲  
是歲十一月國亡

開寶八年開寶八年

廣運二年

丙子

開寶九年  
十月太宗  
即位改太  
平興國元年

丁丑

太平興國  
二年

戊寅

太平興國  
三年

己卯

太平興國  
四年

開寶九年  
太平興國  
元年

太平興國  
二年

太平興國  
三年是歲  
歸宋  
洪道歸宋

廣運三年

廣運四年

廣運五年

廣運六年  
是歲國亡



十國春秋卷一百九



欽定四庫全書薈要卷八千六百七十六

史部

十國春秋卷一百十

檢討吳任臣撰

十國世系表

夏書言惇叙九族大雅稱本支百世誠以子姓蕃衍  
篤親親而別昭穆也十國譜牒多散亡迺子孫昆弟  
名號時時見於他書故秩然不紊焉稍次其原流行  
輩作十國世系表

吳世系

愍 太祖行密

烈祖 渥  
 高祖 鴻演  
 睿帝 溥

南陽王 玠  
 太子 璉  
 江夏王 璘  
 宜春王 璆  
 建安王 珙  
 宜陽王 瑒

歐陽五代史又作麟

二人皆睿帝從子

南唐世系

慶宗榮——烈祖昇

元宗璟

楚定王 景遷

晉文成王景遂

齊昭孝王景達

江昭順王景暹

晉陵公景邁

上饒公景遜

桂陽公景邈

平陽公景逸

以上烈祖從子

文獻太子弘冀

後主煜

慶王 弘茂

南楚國公從善

江國公 從鑑

鄂國公 從謙改名從誦

邵平郡公從度

文陽郡公從信

良佐

季操

後主

清源郡公仲寓

正言

岐懷獻王仲宣

仲遠

仲興

仲偉

仲康

仲宜

以上後主從子

南楚國公

仲翊

仲猷

仲偃

鄂國公

前蜀世系

高祖建

衛王宗仁

庶人元膺

幽王宗輅

趙王宗紀

韓王宗智

宋王宗澤

魯王宗鼎

信王宗傑

薛王宗平

莒王宗特

後主

宗鑑 高祖從子

宗壽

宗裕 以上高祖族子

承祀 承祧

後蜀世系

顯宗道 高祖知祥

雅王仁贄  
彭王仁裕  
後主昶  
嘉王仁操

太子玄喆  
褒王玄珪  
遂王玄寶

隆記  
隆詒  
隆說  
隆詮

南漢世系

聖武皇帝謙

烈祖隱  
高祖龔

雍王耀樞

康王龜圖

殤帝 玠

中宗 晟

越王弘昌

齊王弘弼

韶王弘雅

鎮王弘澤

萬王弘操

循王弘杲

恩王弘暉

高王弘邈

同王弘簡

益王弘建

辨王弘濟

貴王弘道

宜王弘照

通王弘政

定王弘益

中宗

後主 鍾  
桂王 旋興  
荆王 慶興  
禎王 保興  
梅王 宗興

守節  
守正  
守素  
守通

克昌  
國昌



楚世系

景莊王元豐

武穆王殷

寶存

衡陽王希聲

希振

光惠

文昭王希範

恭孝王希萼

光贊

廢王希廣

希宗

希旺

希杲

希瞻

希能

希貫

希隱

希濬

希知

希朗

吳越世系

英顯主寬 武肅王鏐

錡 鏐 鐸 鐸 鎰 錡

錡

以上三人  
武肅王  
弟

寧國公元璣

元璣

雲國公傳瑛

金華郡王元懿

初名  
傳瑛

永嘉侯傳璉

廣陵郡王元璪

文穆王傳璿

餘姚侯傳璿

大彭侯傳球

金華侯傳球

元玘

元琢

元璞

傳璪

一作  
璪

雲國公傳璟

元璫

元珣

元琛

元璉

元璿

元珣

元璿

元璿

元璿

元璿

元璿

元璿

元璿

駙馬都尉傳珍

廣陵郡王元瑋

餘姚侯 傳瓌

文穆王

一云錢倭文  
穆王養以為  
子與弘侑同

文奉

文炳

瓊山侯弘僕

西安侯弘闕

弘倭

孝獻世子弘傳

忠獻王弘佐

忠遜王弘侗

吳興郡王弘堪

忠懿王 俶

弘億

彭城侯弘儀

弘倜

弘仰

儼初名弘信

倬未詳所出

元祗

元珪未詳所出

昭慶

昭序

昭慈

忠獻王

富水侯昱  
西平侯郁

忠遜王

昆  
易

忠懿王

邠王惟濬  
彭城郡王惟治

彦遠  
守吉  
守讓  
不問

惟淮  
惟渲  
惟灝  
惟潛  
惟演  
英國公惟濟

暄  
晦  
暖

閩世系

太尉恁

司空潮

武肅王審邦

太祖審知

彥復

想二人係太祖從弟

嗣王

惠宗

景宗

天德帝

延興

延虹

延豐

延休

延彬

延美

延闕

延翰

鑄

延義

延政

延喜

延武

延望

延宗

繼崇

繼勳

康宗祖

繼業

惠宗

繼韜

繼鎔

臨海王繼恭

建王繼嚴

仁達

繼圖

二人乃惠宗從子

景宗

閩王亞澄

繼柔

繼隆

二人皆景宗從子

天德帝

繼沂

繼昌

二人乃天德帝從子

繼成

荆南世系

武信王李興

文獻王從誨

從誦

從詵

從讓

從謙

從嗣

從義

二人皆武  
信王從子

保勳

保正

貞懿王保融

保紳

保寅

侍中保勗

保緒

保節

保遜

保衡

保膺

侍中繼冲

繼充

輔政

輔之

輔堯

輔國

北漢世系

顯祖璠

高祖暉

世祖旻

信

相陰公贇

睿宗承鈞

鎬

錡

錫

錯

銑

少王繼恩

睿宗養子

英武帝繼元

亦養子

守節

彭城王繼文

皆世祖繼欽孫

十國春秋卷一百十





總校官庶吉士臣張能照

校對官檢討臣王鍾健

謄錄貢生臣李敬敏

謄錄監生臣王心仁